



Universitätsbibliothek Paderborn

**R. P. Cornelii Hazart Societatis Iesv Theologi Discursus
Morales In Selectiora Loca Genesis, Exodi, Levitici,
Numerorum**

Hazart, Cornelius

Antverpiæ, 1688

Discursus X. Primum miraculum quod Moyses fecit coram Pharaone.

[urn:nbn:de:hbz:466:1-52700](#)

infelicitas, ubi turpia non solum delectant, sed etiam placent, & desinit esse remedio locus, ubi, quæ fuerant vitia, mores sunt. Talis in omnibus fuit Pharaon.

Jam petes, quomodo Deus illos tractet, & erga illos se gerat? Respondeo: In poenam peccatorum quæ admireruntur. Permittit illos sequi suas cupiditates, & libidines, nec ab illis removet occasiones & tentationes. Sic ait David *Psal. 80.* Dimisi eos secundum desideria cordis eorum, ibunt in adinventionibus suis.

2. Dat eis Deus affluentiam temporalium, & prosperos successus, quibus abutuntur, & excæcati ruunt in omnia secula: Sicut David ait *Psal. 72.* Prodiit quasi ex adipe iniquitas eorum.

3. Aufert Deus ab illis tribulationes, quibus alii peccatores castigati se corrigunt, & poenitentiam agunt: Aut si eos flagellat, minora immittit, & flagellis illis magis obdurantur.

4. Eripit illis bonos monitores, doctores, & angelos Santos, juxta illud *Ierem. cap. 51.* Curavimus Babylonem, & non sanata, derelinquamus eam, quoniam pervenit usque ad calum judicium ejus.

5. Laxat Deus habenas diabolo, ampliorem dans ei facultatem infidiandi, nocendi, qua ille accepta, eos mire exagit & tentat, objiciendo varia objecta voluptatum, variasque illecebras vitiorum, turbando phantasiam, obscurando intellectum, inflammando pravos affectus, ut sicut equi indomiti currant post cupiditates suas. Pergamus ad ea quæ in Scriptura sequuntur,

DISCURSUS X:

Primum miraculum quod Moyses fecit coram Pharaone.

Moyses jam bene animatus à Deo, perrexit cum fratre suo *Aarone* ad *Pharaonem*, & fecit quod Deus illi imperarat, ut tolleret fecum virgam suam in manu, & projiceret illam in terram: Cum ergo ambo starent in conspectu *Pharaonis*, & aulicorum eius, projectit *Aaron* virgam in terram, & versa est in colubrum.

Prius

Prius rogaverant Pharaonem ut dimitteret filios Israël ad tres dies, ut Deo in solitudine, sacrificarent, sed cum hic abnueret, & petret signum, factum est illud primum miraculum. Sed Pharao parum illo motus, Vocavit, inquit Scriptura, sapientes & maleficos, & fecerunt etiam ipsi per incantationes Egyptiacas, & areana quedam similiter, proiecseruntque singuli virgas suas, que versa sunt in dracones, sed devoravit virga Aaron virgas eorum.

Merito hic aliquis quæret an illud quod faciebant hi magi ope diaboli, fuerit verum Miraculum: Respondeo quod non: Quia dæmones nullum Miraculum facere possunt. Miraculum enim est quod omnem naturæ vim, omnemque causarum naturalium, & hominum ac Angelorum facultatem superat. Possunt tamen dæmones facere aliqua quæ hominum aliarumque rerum naturalium vim superant, & hæc hominibus mira sunt, sed non vera Mira-
cula.

Dico igitur 1. Pleraque mira quæ facit dæmon, fascinationes tantum sunt oculorum. Potest enim dæmon phantasiam vel oculos ita perstringere ac ludificare, ut videre se putet quod revera non est, hoc primo facit phantasiam ita commovendo, ut sit in somniantibus qui putant se videre quæ non sunt. Mira hujus rei exempla adferunt Princeps Medicorum Galenus ut de illo qui phanta-
siam ita habebat turbatam ut ab altero nollet se tangi, quia pu-
tabat vitreum se corpus habere, & de illo qui nolebat comedere
quia putabat se mortuum.

2. Oculos dæmon potest ludificare, sicut patet in sagis quibus vi-
detur aurum præbere cum non sint nisi folia vel lapilli.

Dico 2. Potest dæmon efficere ut ignis cadat de cælo, sic enim fecit quando oves Job fulmine tetigit: Potest homines facere volare per aëra, sic enim fecit Simoni Mago: Potest homines reddere invisibles, sic enim fecit per annulum quem dedit cuidam Gygi: Potest homini quamcumque formam effingere, sic enim facit ut homines lupi videantur, & homines lanient, ut patet in Lycan-
tophus: Potest facere ut statuæ moveantur, ambulent, & loquantur, ipse enim eas movet, & per illas loquitur, sic enim fecit per statu-
am Apollinis Delphis: Sic denique fecit ut Claudia Vestalis Romana, navim Tiberi hærentem zona sua è luto extraheret, & duceret quo vellet, & alia, nomine C. Tuccia, aquam Tiberi haustam in cribro, deferret ad Capitolium,

His positis, ait Scriptura: Projecerunt magi Pharaonis singuli virgas suas, que versa sunt in dracones. Putant aliqui hos non fuisse veros dracones, sed illusionem oculorum, adeoque tantum apparentes fuisse.

Contrarium putat D. Augustinus & alii. Si quæreris quomodo hos veros dracones producere potuerint Magi?

Respondet Calvinus, Deum Magorum virgas in serpentes mutasse: Blasphemia est, dicit enim Scriptura disertè non hoc Deum fecisse, sed Magos per incantationes suas quibus dæmonem invocabant. Deinde si Deus virgas Magorum in serpentes vertisset, sicut verterat virgam Aaronis, secum ipse pugnasset, quia tam mendacium Magorum, quam veritatem Aaronis, eodem Miraculo confirmasset, quod impossibile est veritati æternæ.

Dico ergo, dæmones aliunde dracones hos attulisse, eosque, virgis subito, & imperceptibiliter subductis, earum loco substituisse, ita ut quicumque hæc videret, magiæ ac fraudis ignarus, putaret virgas Magorum sicut virgam Aaronis, in serpentes esse conversos.

Quæres 2, cur Deus permisérit ut Magi hæc mira efficerent? Respondeo 1, ut in hisce Magi superarentur à Moyse, & unusquisque videret quod Moyse esset victor Magorum, & consequenter verus Dei servus & instrumentum, ideo fecit ut una virga Aaronis, verâ in colubrum, devoraret plures virgas seu serpentes Magorum. Hoc est quod ait Theodoretus: Mutabant, inquit, Magi virgas in serpentes, sed virga Moysis illorum devoravit, sic postea mutabant aquam in sanguinem, sed sanguinem in priorem naturam reducere non poterant; concessit ergo Deus Magis talia facere ut etiam per ipsos castigaret Ægyptios, & inde colligerent, Moysem alia ac majori potestate, nempe divina, Miracula facere, quam Magos, quos sciebant esse Magos, adeoque mira sua efficere arte diaboli.

Nihilominus tamen tantum abest ut Pharao aperiret oculos suos, ut è contrario addat Scriptura: Induratum est cor Pharaonis, & non audivit eos.

Miraris induratum fuisse cor Pharaonis? ego non: Quia habebat Doctores & Magistros impietatis, quibus magis credebat quam Moysi & Aaroni: Poterat tamen clare videre Moysem & Aaronem, non ope diaboli, sed Dei operari Miraculum, quando videbat serpentes Magorum devorari à serpente Aaronis, sed claudens oculos ad opera Dei, sola Magorum facta miratur.

Hic



Hic videmus quanta pestis sint consiliarii mali, & falsi Doctores, ut illos quos docent claræ veritati faciant repugnare, ac doctrinam divinam rejicere, ut sequantur dæmonis axiomata. Talis *Machiavellus* Doctor ac consiliarius fuit *Machiavellus*, homo praterito sèculo impius, qui in suo libro docuit Statum politicum præponendum Religioni, hoc est, humana divinis mundum Deo: Docet enim non pia: adeo curandum quæ vel qualis religio sit, quando in periculo versatur Status politicus ut pereat, adeoque ut status ille in integro maneat, hanc vel istam, nihil interest, religionem posse assumi, ergo pereat Deus, modo status permaneat.

Ne quidem Ethnici fuerunt tam impii, videte hoc, inter alia multa, in *Cyro Rege Persarum* de quo dicitur lib. I. *Ezdra cap. 1: In anno primo Cyri Regis Persarum*, exiit edictum dicens: *Hec dicit Cyrus Rex Persarum: Omnia regna terra dedit mihi Dominus Deus celi, & ipse precepit mihi ut aedificarem ei domum in Ierusalem.*

En Regem ethnicum qui statim ubi factus est Rex, ante omnia meminit Dei, fatetur se Regnum accepisse à Domino cæli, & omnibus aliis depositis, cogitat de Templo illi aedificando in Ierusalem. Procul dubio non deerant aulici pessimæ consiliarii, qui dicarent, prius cogitet ut hostes evertat, urbes muniat, classes instruat, legiones scribat, legat equitatum, ut servet statum & imperium suum: Hæ Regum curæ sunt propriæ. Templa aedificare, religionem procurare Sacerdotum est, non Regum, extruat ergo *Cyrus* castella & artes, non Templa.

Hos homines si *Cyrus* audisset, non Ierosolymis Templum, sed artem Babylone condidisset: Sed non audit *Cyrus*, prima ipsius, ante omnia, cura fuit religionis & Templi. Sciebat enim Rex ille, quavis ethnicus, Deum Reges vel evehiere vel exturbare, quos vel dignos, vel indignos, existimat. Imo nullum saepius adire Tempa, atque struere oportere quam Regem, quia in una numinis dextera cor Principum est, idque versat, vertitque quo vult. Perstitit ergo *Cyrus* in proposito de Templo numini aedificando, & non audit impios illos consiliarios. Hoc homo Ethnicus fecit: Quantus ergo pudor quod inter Christianos, unus *Machiavellus* audiatur, qui talia axiomata habet, quibus docet primam curam esse debere de statu conservando, secundam de religione, neceurandum si Tempa Deo dicata evertantur, incendantur, ut illorum loco arces, ac mania aedificantur?

2. Docet hic homo præterea, nemini, quantumvis misero, compatiendum, opprimantur subditi, exhaustantur illorum pecunia; regantur ad paupertatem, pereant cum liberis, lamententur, con querantur, nihil curandum, modo Status politicus maneat in integro. Axioma quod naturam humanam ac Societatem evertit; si enim nemini compatiendum, quod nulli creaturæ proprium est nisi soli homini, degeneramus in bestias, imo peiores sumus, quamvis enim bestiæ à natura non habeant ut compati possint, legimus tamen & Leones & Elephantos etiam in furore misericordie perire. Occurrebat puellæ cuidam è carcere fugitivæ furibundus Leo in silva, illam dilaceratus, sed ubi lacrymas vidi, audiitque ex illa se jam ex vinculis erupisse, deposito furore, periret. Discurrebat *Gao* in *India* per plateas totus in furia *Elephas*, & omnibus fugientibus, domosque claudentibus, remanerat parvus in platea puerulus, quem ut *Elephas* vidit plorantem, arreptam proboscide, suavititer in humili teeto, quod pro foribus erat, sine ulla lafione deposuit: Ergo *Machiavellus* docet quod ne quidem bestiæ, quantumvis rationis expertes, nollent admittere. Et tales Doctores ac magistros audiunt Christiani? & illius impios libros legit ac pervolvit: juventus majori aviditate quam sacros libros & pios? quid mirum quod tali impietate imbuti, sint sicuti *Pharao*, cuius cor induratum erat, & nolebat audire *Moysen* & *Aaron*? magisque mirabatur facta maleficorum, quam Miracula Dei?

DISCURSUS XI.

Secundum Miraculum, & prima plaga Ægypti.

VIdens, inquit Scripturâ Dominus Deus, quod primo Miraculo *Pharao* magis obduruisse, voluit ut *Moysen* & *Aaron*, addarent alterum, quo *Pharaonem*, Ægyptiosque puniret. Dixit ergo Deus ad *Moysen*: Vade ad *Pharaonem* mane: Ecce egrediatur ad aquas, & stabis in occursum ejus super ripam fluminis, & virgam, que conversa est in draconem, tolles in manu tua, dicesque ad eum: Dominus Deus Hebreorum misit me ad te, dicens: Dimitte populum tuum ut sacrificet mihi in deserto, & usque ad præsens tempus noluisti audiire: Hæc igitur dicit Dominus: In hoc scies quod sim Dominus: Ecce percutiam